



Broj: 01-30-1-349-1/26
Sarajevo, 6.5.2026. godine

Na osnovu člana 60. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05), člana 28. Zakona o oduzimanju nezakonito stečene imovine krivičnim djelom FBiH („Službene novine Federacije BiH“, broj 71/14), te člana 34. Zakona o radu Federacije Bosne i Hercegovine („Službene novine Federacije BiH“, br. 26/16, 89/18, 23/2020 – odluka Ustavnog suda, 44/22 i 39/24), člana 35. Pravilnika o unutrašnjoj organizaciji Federalne agencije za upravljanje oduzetom imovinom broj: 01-02-2-890-15/25 od 5.12.2025. godine, direktor Federalne agencije za upravljanje oduzetom imovinom o b j a v l j u j e

JAVNI POZIV

za prijem lica na stručno osposobljavanje bez zasnivanja radnog odnosa u Federalnoj agenciji za upravljanje oduzetom imovinom

I PREDMET JAVNOG POZIVA

Federalna agencija za upravljanje oduzetom imovinom objavljuje Javni poziv za prijem lica na stručno osposobljavanje za samostalan rad, bez zasnivanja radnog odnosa, i to:

- Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koje se vrednuje sa najmanje 180 ECTS bodova – diploma visokog obrazovanja – pravne, upravne struke, ekonomski fakultet odnosno drugi fakultet društvenog ili tehničkog smjera.....2 izvršioca.

II MJESTO I TRAJANJE STRUČNOG OSPOSOBLJAVANJA

Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju od 12 (dvanaest) mjeseci.

Mjesto rada primljenih lica na stručnom osposobljavanju je sjedište Federalne agencije za upravljanje oduzetom imovinom, Put života 2, Sarajevo.

III OPĆI USLOVI

Kandidati prijavljeni na javni poziv moraju ispunjavati opće uslove propisane članom 25. stav 1. Zakona o državnoj službi u Federaciji BiH („Službene novine Federacije BiH“, br.

29/03, 23/04, 39/04, 54/04, 67/05, 8/06, 4/12, 99/15 i 9/17 - odluka Ustavnog suda Federacije BiH broj U-13/16) i to:

- a) da su državljani BiH,
- b) da su stariji od 18 godina,
- c) da su zdravstveno sposobni za obavljanje poslova za koja se prijavljuju,
- d) da imaju univerzitetsku diplomu najmanje VII stepena stručne spreme odnosno visoko obrazovanje prvog drugog ili trećeg ciklusa Bolonjskog sistema studiranja,
- e) da nisu obuhvaćeni odredbama člana IX.1. Ustava BiH.

IV POSEBNI USLOVI

Pored općih uslova, kandidati koji se prijavljuju na javni poziv moraju ispunjavati i posebne uslove i to:

- a) da nemaju radni staž, odnosno radno iskustvo u trajanju od jedne godine ili više nakon stečenog visokog obrazovanja na poslovima sa visokom stručnom spremom,
- b) poznavanje rada na računaru.

V POTREBNA DOKUMENTACIJA

Kandidati su dužni **uz svojeručno potpisanu prijavu s kraćom biografijom dostaviti sljedeće dokumente u originalu ili ovjerenj kopiji:**

- a) diplomu ili uvjerenje o završenom VII stepenu stručne spreme visokog obrazovanja odnosno najmanje prvog (180 ECTS bodova), drugog ili trećeg ciklusa Bolonjskog sistema studiranja (u slučaju da fakultet nije završen u BiH, nostrificirana diploma),
- b) uvjerenje nadležne službe za zapošljavanje da se kandidat nalazi na evidenciji nezaposlenih lica, s podatkom o dužini vremena provedenom na evidenciji nakon sticanja tražene stručne spreme,
- c) izjavu da nema radno iskustvo odnosno radni staž nakon sticanja tražene stručne spreme.

Dokumente kojima se dokazuje ispunjavanje općih uslova javnog poziva, izabrani kandidati će dostaviti Federalnoj agenciji za upravljanje oduzetom imovinom u roku od 7 (sedam) dana od dana prijema obavještenja o rezultatima javnog poziva, odnosno najkasnije do zaključenja Ugovora o stručnom osposobljavanju bez zasnivanja radnog odnosa.

VI ROK ZA PODNOŠENJE PRIJAVA, MJESTO I NAČIN DOSTAVLJANJA

Potpisane prijave sa traženom dokumentacijom potrebno je dostaviti najkasnije 15 dana od dana objave javnog poziva (računajući od posljednje objave), putem pošte preporučeno na adresu:

FEDERALNA AGENCIJA ZA UPRAVLJANJE ODUZETOM IMOVINOM
ul. Put života br. 2
71000 Sarajevo
s naznakom:

“Prijava na Javni poziv za prijem lica na stručno osposobljavanje bez zasnivanja radnog odnosa u Federalnoj agenciji za upravljanje oduzetom imovinom- NE OTVARATI „

VII OBJAVA JAVNOG POZIVA

Javni poziv za prijem lica na stručno osposobljavanje bez zasnivanja radnog odnosa će biti objavljen u dnevnim novinama „Avaz“ i „Dnevni list“, kao i na web stranici Federalne agencije za upravljanje oduzetom imovinom.

VIII OSTALE NAPOMENE

Zaprimljene prijave razmotrit će posebno formirana Komisija za provođenje Javnog poziva za prijem lica na stručno osposobljavanje bez zasnivanja radnog odnosa u Federalnoj agenciji za upravljanje oduzetom imovinom (u daljem tekstu: Komisija), koju će posebnim rješenjem imenovati direktor Agencije.

Sve neblagovremene, nepotpune i neuredne prijave bit će odbačene kao formalno neispravne i neće biti predmetom razmatranja.

Komisija za izbor i prijem kandidata- lica na stručno osposobljavanje će za kandidate koji zadovolje formalne uslove javnog poziva, pripremiti pismeni test provjere znanja i obaviti usmeni intervju, te sačiniti Listu uspješnih kandidata i istu dostaviti Agencije na donošenje odluke o izboru kandidata. Na službenoj web-stranici Agencije: www.fazuoi.gov.ba biće objavljen pregled literature za polaganje pismenog testa provjere znanja kandidata, kao i dan, vrijeme i mjesto polaganja pismenog testa, a kandidati koji polože pismeni test će pristupiti intervjuu.

Obavijest o izboru kandidata dostavit će se svim kandidatima sa Liste uspješnih kandidata, na koju obavijest mogu izjaviti prigovor direktoru Agencije u roku od 8 dana od dana prijema obavijesti. Odluka o izboru kandidata postaje konačna nakon donošenja odluke po prigovoru ili protekom roka za prigovor ukoliko prigovor ne bude izjavljen.

+387 33 407 350

+387 33 210 532

info@fazuoi.ba

www.fazuoi.gov.ba

Put života 2, 71000 Sarajevo, Bosna i Hercegovina

Svaki kandidat s kojim se zaključi pojedinačni ugovor ostvarit će pravo na naknadu u skladu sa članom 26. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, br. 45/10, 111/12 i 20/17), koji propisuje da volonteri visoke stručne spreme u organu državne službe imaju pravo na naknadu u iznosu od 35% od osnovne plaće stručnog saradnika. Izabranom kandidatu pripadaju i prava propisana Zakonom o volontiranju Federacije BiH („Službene novine Federacije BiH“ broj: 110/12).

Direktor Agencije zadržava pravo da poništi ovaj javni poziv u bilo kojoj njegovoj fazi, izuzev nakon konačnosti odluke o izboru kandidata.

Sve dodatne informacije zainteresovani kandidati mogu dobiti na broj telefona: 032/407-350 ili e-mail: info@fazuoi.gov.ba

 **DIREKTOR**
M.P. 
Emir Bašić

Dostavljeno:

- Potpuni tekst javnog poziva za a objavljivanje na web stranici Agencije
- Skraćeni tekst za objavljivanje dnevnim novinama „Avaz“ i „Dnevni list“
- Oglasna ploča
- a/a

 +387 33 407 350

 +387 33 210 532

 info@fazuoi.ba

 www.fazuoi.gov.ba

 Put života 2, 71000 Sarajevo, Bosna i Hercegovina